

明·馮以一輯

古今將略

廣文書局印行

古今將畧序

余觀史氏稱忠勇善戰者多好
讀左氏春秋切疑左氏爲文章
家宗好讀者曷稱善戰善戰非
古也涿鹿鬼方獫狁聖王不得

已而用之春秋則五伯爭盟羣
雄角力無日無戰矣左氏錄其
戰而紀其事讀其文如甲騎交
馳戈矛互擊當時將兵者所指
麾進退緒略犁然如見蓋余亦

嘗讀而得之如原繁之陣魚麗
魏舒之變戰車士季之七覆敖
前吳員之三出肆楚知罃之三
分四軍荀偃之左實右僞以至
鄭突以覆敗翟萇以鼓奔齊

藥枝僞遁曳柴厓瑕誘敵縱採
伍亂掬舟中之芻宵奔聽城上
之烏纚纚乎其文豈非戰戰孰
非畧卽異時兵家所爲武經七
篇諸書亦不出此孰謂好讀者

不善戰哉邊陲多警遼薊每每
咎未聞將將未聞畧夫霍將軍
不學古兵法而又曰臨敵制勝
在方畧何如余以爲法非畧而
知法始可以語畧知畧始可以

語將譬之方非劑而知方乃可
以語劑知劑乃可以語醫自古
登壇援枹士以狂疾策勛者靡
不有畧將安可以無畧哉年侄
馮以一取春秋以後臯我

朝凡以將顯者紀其人敘其績
而證以七篇諸書所載兵法爲
古今將畧四卷大都取裁于左
氏顧左氏言人與事而不言法
七篇諸書言法而不言事與人

是書紀其人則名震而士思慕
敘其績則事核而士思奮證以
法則言有據而士無敢矯誣君
之用心勤矣士能挾而讀讀而
好詎無有如史氏所載忠勇善

戰者出爲

國家用哉日閉酉跳梁邊吏告

變

王上拊髀諸司推轂誠願得一

知畧者橫行匈奴中余固樂其

成而爲之序

南京太常寺卿李維禎書

古今將畧凡例

一用兵昉自軒轅迄于商周而鬼方獯狁之
伐皆先修內以攘外誠王師也至五霸七
雄作而春秋列國胥以權謀智術角勝負
兵斯奇矣若漢唐宋及我

朝英豪輩出代不乏人而料敵制勝之方班班
可考故是編由古今悉籍記之

一湯武放伐之事雖云順天應人然于大義

有乖而後世姦雄僭竊如莽溫安史之徒
往往藉爲口實余故不敢載蓋以扶萬世
之綱常云

一漢唐宋創業中興之主雖非將帥者儵然
其雄才大略顯於武功者烏可無紀故我
高成二祖之神謨睿算亦敬錄之

一文臣雖未嘗親冒鋒刃而建議廟庭運籌
帷幄者均之爲謀畧也胥錄之以備采擇

一畧意以制勝爲主間有籌畫未當節制罔
遵而偶遭挫衄者亦錄其一二以爲明鑒
俾臨敵知所警戒云

一方略先敘于前爲案皆櫟括傳文仍依時
代序次至一人而有數事者則類比之以
便參閱

一兵法引證于後爲斷皆出自七書但詳其
語意切當與略相符者取之不必七書皆

備亦不計其重複云

一考七子世次太公最上次爲司馬穰苴齊
景公時人次孫武吳闔廬時人次吳起魏
文侯時人次尉繚子嘗與梁惠王論兵次
黃石公考索隱云詩緯稱爲軒轅之臣風
后後化爲老人見圯上授張良書文獻通
考載三畧爲圯上所授書風后之傳係小
說不經見不足爲據大凡神人僊者俱以

見時爲紀律當繫秦漢之間次乃李衛公
焉

古今將畧

元集

明 李馮時寧以一

冊

五帝

神農氏衰。諸侯相侵伐。炎帝榆罔弗能征。於是
軒轅習用干戈。以立不享。諸侯咸來賓從。榆罔
欲侵陵諸侯。以侯益叛之。軒轅修德振兵。治五
氣。藝五種。撫萬民。度四方。教熊羆貔貅。虎以